



据篁墩附載評語此序已非全文殆  
序中所稱有詩句有為今本所佚乃  
刊落數語可權記

古梅吟藁序

訥齋程元鳳謨

閱吳君式賢詩句老而意新咀之雋永殊非苟作聞其閉戶讀書孜孜忘倦經傳子史靡不窮心所以膏其墨端者有自來矣雖然學所以修身多識前言往行所以畜德德裕於身則措諸事業光明俊偉豈曰能詩而已式賢勉之

新安文獻志先賢事略上

吳古梅龍翰字式賢歙向杲人曾大父祖字叔夏師朱子龍翰咸淳甲子亞鄉貢後用薦授編校國史院實錄院文字至元丙子鄉校請充教授尋棄去有詩十六卷雜著文二百餘篇

挂原本掛后同

古梅遺彙卷一

宋新安古梅吳龍翰式賢甫著



曉發姑孰城

鵲啼驚夢敲春枕  
花落迎風打曉窗  
攜杖攬先出城去  
角聲吹月墮寒江

浙江姚樓觀水月

翠滾玻璃萬頃秋  
長江又挂水晶球  
水光月色梅邊客  
今夜會盟江上樓

晚舟過臨平

煙鐘春起夕陽愁  
淼淼臨平春事幽  
惟有風蒲愛吟客  
岸邊繚亂綰行舟

春晚留淮上

淮山歷歷春雲淡  
淮水湯湯夜月輝  
此處杜鵑啼不到  
江南行客未成歸

贈謁士

一掬鄉心寒似月半生行跡過於雲春風滿擔詩千首是處青山留得君

白紵詞

吳宮煙水碧迢迢瓊樓十二凌青霄北方佳人顏如花素衣濯濯明朝霞雲母屏風珍珠箔香銷金鴨春寒薄璧月流光羅綺筵白紵舞殘月欲落君看月落夜潮平吳江闊兮越江深吳王醉越王醒

嘉禾舟中

天與東風便千錢買一舟嘉禾三月路陰木四山秋埜色緘詩思鵑聲替客愁煙波渺無際是處可盟鷗

嘉禾沈園

景物何其異虛巖人力成清池沈鳥影高樹落蟬聲花日樓臺麗香風簾幕輕我來一啣賞不惜買杯傾

煙原本烟后同

巖原本岩后同  
吟吟原本錯此合仍差

此句原本笋后同

重陽客中

愁裏重陽近他鄉酒易酤秋風詩鬢短寒夜客燈孤筍笠月穿破荷衣霜打枯有懷吟未就端不為催租

見劉後村先生

天祿臞仙後代孫魏科幾世屬名門千年絕學追先聖四海真儒仰後村直向天邊扶日月只從筆底轉乾坤年來諸老凋零盡惟有靈光獨自存

玻璃萬頃海天秋相國如居天上頭錦帳圍山丹荔熟銀梭織

水子魚遊地靈自古稱多士人物當今列上流二季一翁家學

在湄洲即是蜀眉州

先生蕭人二子能踵其學

雪碗冰甌率筆鋒篇篇琢出玉玲瓏鶴鳴遠岫千林曉鯨展洪

濤萬里雄暮雪寒梅吟思外春風芳草夢魂中詩瓢行腳半天

下多謝先生棒喝功

騎卻青鸞上禁林巖巖聲價重於金花磚日轉瓊箋暖蓮燭星

碗  
口供少考

歸玉漏沈翰墨挈來三昧手絲綸畫出九重心春風已築沙隄  
路天上虛皇屬意淡

西湖曲

十里風光煙水白嵯峨帝城紫霧隔笛聲吹斷蒲葉風鷺飛界  
破青山色湖波鱗鱗織成縠翠蓋紅幢機上簇長安富兒美少  
年馬行紫陌香塵撲畫舫誰家窈窕孌半額鵝黃時樣妝玉手  
折花嬌無力花枝斜挂銀絲長隔花躊躇意相屬稍稍談笑聞  
餘香夕陽西下漢水遠無計問覓雙瓊璫巫山高哉但入夢安  
得插翅飛其傍君不見吳姬采蓮自唱曲君王尚在舟中宿

拜林和靖墓

老鶴高飛入白雲空餘殘照管孤墳清風千古鎮長在見著梅  
花如見君

客久湖海買舟西還

萬里煙波興渺然片心如在灞橋邊歸裝詩少不成擔自拗梅

花湊滿船

馮永之號冰壺工水墨丹青

半生江海冰壺翁擔風荷雨七尺筇爛嚼扶桑紫金椹玉樓光  
徹十二重飽喫孤山白玉花一鑿九竅開玲瓏能鈺明月鑄雙  
眼故能搜索異景窺神功能穿星斗挂霄次故能神遊八極之  
鴻濛手撼煙雲出硯石酒酣奮筆驅雷風回山轉海有力量頃  
刻鵝溪幻出白練之寒江碧玉之奇峯瀟湘洞庭忽在眼冷落  
煙竹蒼梧空碧天萬里渺無際但見隱隱飛孤鴻江門過雨涼  
如許木落蕭蕭秋滿浦月明何處起漁歌小艇人歸急搖櫓鷗  
沙漠漠洲渚昏無數寒鴉棲古渡景物變態雖無窮筆端有口  
一一吐研丹吮粉尤精奇直與王爵爭毫釐寧肯沒骨媚時好  
逸氣往往追徐熙一點春風幾花卉化工權柄君所私獻之特  
牛韓幹馬滕王蛺蝶僧繇魚下筆衆妙各俱足開卷錯落千珠  
璣顧家層樓連天起俗士那敢窺藩籬嘔心抽思何自苦乃使

肌骨化作枯松枝君不見梅邊有狂客風餐雪虐寧忍飢  
未老貌先老不覺兩鬢紛如絲

靈金山觀金燈

嵯峨靈金山峭壁偕天長巒岈萬蒼翠無復敢頡頏登臨勞遠  
目久羈塵俗韁天風送筇屐此願今一償所喜侍老親  
龔屬升崇岡琪樹藹柔絲瑶草超羣芳松聲入幽懷妙樂非笙簧好鳥  
相勸酬醉我林中觴我吟遊仙詩客和招隱章起舞涕懽笑人  
影亂夕陽何方阿堵女山北敞虛堂石池閱甘泉瓦爐騰妙香  
昔言山有靈金燈夜呈祥信哉華嚴經佛眉施白光澄公有妙  
力一笑通禪房詎知山石間而有金光藏崦嵫下朱景山氣相  
激揚若以色見佛於法參與商我生事迂闊吐吐顛復狂讀書  
獵千古濛氣凌八荒乃欲落鬚髮掬水曹溪傍吹以無孔笛倒  
騎牛一場手擊混沌開有此硬脊梁指點生死根棒喝行諸方  
辛酉秋吳畫士寫神

畫原本西  
畫原本東  
畫原本南  
畫原本北  
畫原本中  
畫原本下  
畫原本上  
畫原本左  
畫原本右  
畫原本前  
畫原本後

功名自有兜鍪輩榮辱寧卅篋笠翁煩作田園秋興畫短簷斜  
日稻花風

秋崖先生招飲荷葭塢席上賦詩

相公潭水清於玉翠屏四面環書屋石梯齒齒登蒼崖老樹晴  
煙千頃綠好花對人無姿俗春色盈盈圍虛谷歸來庭院碧參  
差八窗玲瓏有修竹先生長嘯臨清流茱萸辛夷香滿洲浪呼  
迪輩偕春遊綠醅淡注碧玉甌我醉起舞相勸酬願祝先生相  
業伴伊周運留侯帷幄之籌橫萊公堇水之舟莫負蒼生望安  
石東山高臥凌清秋先生所居即相公潭

京城寓居春日

春城庭院柳風輕簾影玲瓏愛曉晴紅日半窗吟夢覺啞牆  
外賣花聲

宮人斜

碧石重重鎖墓門蘭膏點火照黃昏春風幾度生芳草還似君

王舊日恩

春夜隔江望揚州城

煙抹蕪城熨不開  
夜淡燈火照樓臺  
欲披紫綺過江去  
月冷滄洲待鶴來

數年前有小詞。微雨後落花天  
嬌態病懨懨怕人猜著  
是相思成日不開簾  
寶釵橫蟬鬢亂院宇待人歸  
盡緩移蓮步玉闌前  
纖手掐花鈿。月夜與客飲梅花  
下一姝歌前詞復出箋徵余新作

月夜梅花下開尊  
誰主賓梅花嬌欲語  
讓我白頭人娉婷樓上  
女無乃花中神  
下樓款歡笑莫惜拋千金  
纖纖出素手為我彈  
瑤琴自言諳古調  
妾心合君心感君纏  
繆意未彈先有情  
妾佩明月光妾裾衣雲霞  
輕共君驂白鳳一息超  
玉京君看天帝女  
嫁與牽牛星天河萬里長  
鵲橋歲一陳安得河水乾  
夜夜長相親君能挽天河一洗八極塵

尊原本傳原本二字  
縣源本神同錯字今略

宮詞

舞罷霓裳寶髻垂  
桃花扇底暖風吹  
夜淡內殿重開宴  
手撚燈花畫翠眉

秋崖先生以紅石見寄

彤霞鑲石玉晶瑩  
琢出羲之風字形  
卻著寒松蒼石下  
研煙傳寫相牛經

心遠堂

飄飄謫仙子閉門  
逃世諠達哉柴桑翁  
心遠地乃偏羨公  
隱廬市高拍前人肩  
園林富花木景象羅  
春妍翠鳥鳴高枝  
白魚遊淡淵魚鳥欣  
有託吾廬興悠然  
詩瓢貯煙雲茶鼎烹  
銀蟾有此佳絕處  
那評名利鞭鵲尾  
聞妙香片心超九天  
淵然消萬慮流光  
緯三田乾坤任簸弄  
追蹤古偓佺

持敬堂

大哉紫陽箴誠為百世師  
法心故能傳心印幾能提  
明明道統

逃原本逃后同

燈於此接光輝端居儼帝臨暗室疑神窺立足千仞淵生怕傷  
髮膚競競一寸心炯炯冰雪壺脫帽藐王公無乃酒狂徒蹀躞  
漁陽鼓傲態逐刑誅我則持以敬譬如龍戀珠斷斷貓捕鼠縣  
縣雞哺雛守之戒勿閑意馬防馳驅

層翠樓

結樓書屋傍獨占林塘幽飛簷瞰寒碧照影虹霓浮層巖萬蒼  
翠峭坼生戈矛黛眉與螺髻故故含嬌羞此時樓中人片心隨  
白鷗風吹烏紗帽露滴紫綺裘白雲入我望逸興何悠悠沆瀣  
供晨餐酌以碧玉甌朝暾散朱景曠納十二樓願言追黃鶴致  
身八極遊慷慨笛聲發滿樓明月秋

春寒

二月漫漫雪滿山羣芳空向雪中看幽亭酌酒且沈醉要為小  
園花餽寒

凍吟

座右插梅花座右橫詩筆風雪墮寒肩先生方抱膝

春興

聞說春醪熟提壺換客嘗乾坤一釀甕花氣百和香

別吳中三年寄湖上一二知己

麥秋天氣覺清和老盡春風庭下莎曉月寒荒山啼蜀帝夕陽  
高樹咽齊娥三年寒我滄波約一夜思君白髮多世路不堪重  
著腳相期何地理漁叢

古梅遺彙卷一

明族裔

吳惟時中立甫較

咸豐丁巳四月吳興丁葆書新得知不足齋鈔本家藏宋人小集尚缺此帙因借

傳之并以義門校本笠澤叢書寄我廿四日錄 昨偶至綠莖菴彙上人留飲藉

醉今尚病醒 下午禮女婦自外家廿六日臚卿記



古梅遺藁卷二

宋新安古梅吳龍翰式賢甫著

壽鄉衮訥齋先生

華袞袞榮御墨鮮堂堂劔珮在凌煙十三相後功為最五百年  
間道有傳落落甘霖施后土巖巖鉅石補青天太平有策安排  
了涿水清風崖可鐫

世態浮雲無定形先生綠菴竟留情詎知寶祐老臣在又見金  
陵法行新洛邑幾時歸赤馬東山再起蒼蒼生不堪局面遲一  
著願祝薇垣星更明

時丁大  
全當國

當年河嶽已儲神理亂分明關一身瑞應麟書知孔子恩光鳳  
誥見庚申世臣喬木蒼蒼日驛使梅花歲歲春笑指紫陽山作  
壽會看重慶喜尤新

庚申先生於  
冬

感興

多病頻辭客無人自掩扉斲松供藥火葺葉補漁衣日月雙丸

疾乾坤一粟微不須求道外悟此是玄機

楚興在漁艇風潮不憚勞苔生肥石骨水落瘦溪毛霜重稻梁

熟天清雁字高醉餘歌古調人事析秋毫

閉門逃俗客攜酒過禪關竈古茶煙斷碑殘雨蘚癩秋僧行影

瘦夜鶴病翎寒片月隨人到孤琴對佛彈

百事謀何拙一閑夢亦清定交毛穎子結怨孔方兄鶴影雲煙

瘦蟬聲風露輕寸心虛白久蛻骨待丹成

金陵寓樓居

樓中有酒客身閑約住孤雲共往還搖落碧桃春欲去倚闌無

語看鍾山

過涇邑水西縣尹先伯祖嘗為邑簿領者儒有識者

客裏身無事乘閑過水西清波明白鷺綠樹帶黃鸝酣酒道旁

飲吟詩石上題邑中逢故舊坐定說環溪

南陵道中迫暮投茅店四圍率敗籬今僕夫環臥

茅原本竹節后同

澹竹溪

故山三百里歸路正羊腸密樹標茅店荒池界竹牆僕眠如鹿

伏我倦背龜藏素志非南阮丈夫婦八荒

泊蕪湖縣

古邑蒼江曲鱗鱗華屋橫酒樓歌妓集漁市販夫行墊閣雲無

勢江流亦有聲橋邊息詩擔譙鼓更分明

庚申冬壽秋崖先生

瑞宿當年降世間祁山溪處著仙壇梅開冰壑珊瑚瘦崖聳晴

空碧玉寒清氣胚成龜鶴相丹田鍊就虎龍蟠待教鬚鬢渾如

雪恰寫者英與世看

九日

秋雨梧桐退老時寒城九日正霏霏功名不直三杯酒世事真

如一局碁頭且插教黃菊滿手今莫負紫螯肥壯懷無復登臨

恨破帽西風一任吹

春晚郊行

芒屨竹杖出柴關檢校園林脚不閑翠幄初張花結錦綉未解  
筍排班煙波鷗鷺春風外桑柘牛羊夕照間莖興不須邀客共  
一尊白酒對黃山

秋日遊竹會寺

修竹陰陰古道場誰憐兵火地荒涼晚山俱似佛頭綠秋草不  
如僧髮長白酒莫辭今日醉黃花仍作去年香禪客翁留殷勤  
甚相對藤牀話夕陽

子陵釣臺

峭壁千尋屹曉寒何年人插釣魚竿烟霞不受衣冠浣天地那  
如蓑笠寬幸有同肩黃屋貴不妨伸脚白雲端能令漢室亦增  
重可作巢由一例看

夜泊富陽

片帆東去一鷗輕消得天公十日晴新酒一尊詩幾首故鄉千  
里月初更煙收山翠揩摩淨風輒江波熨貼平苦是狂懷費消

賴原本軟

遣船頭吹笛到天明

別厲制使

何日林間理故書客中歲月只蘧廬糴糧半給梅 鶴燒葉餘  
分雪後驢蝶夢悠揚家國遠雁行零落弟兄疏寒花到了自蕭  
索不是東風不管渠

天目道中

天目峯前小駐驂長松夾道碧鬢髮客懷寂寞秋般淡醉態朦  
朧午正酣山色儼如嚴父面鳥聲還勝俗人談何年來此種芝  
朮乞與道人雲一龕

春雪

一雪滿天地三春景更妍鶴梳瓊羽落蝶舞粉衣翩嫩柳飄新  
絮殘梅補落鈿東風初解凍洗手破輕煙

嚴灘對月憶雪壺山弟

卯君看月此徘徊今夜月明君不來安得清光刀剪破為分一

梅下原本誤花字字宜黃未  
疏原本疎

半到泉臺

婺源道中憇午

小息吟身古木陰詩情羞澀錦囊輕風煙不受人收拾擔閣行  
山半日程

滿路黃塵人往還黃塵點污幾青山便投山店睡過午要放詩  
魂出世間

濯足五溪城

東風吹水綠鱗鱗小漱清寒入齒齟萬里流邊濯雙足恐行五  
嶺沈晴雲

登會稽山

越上今為客息肩春樹林啼鶉歸夢斷落日旅愁淡詩紀一編  
史琴傳千古心會須重過此禹穴一登臨

春日吳中

照人芳樹遲遲日吹面垂楊拂拂風客思一筇攜不盡鳥聲多

在落花中

嘉禾書所見

翠幕重重護曉寒窗間金鴨篆煙殘芳情不采閑花草獨倚闌  
干看牡丹

荷花四絕

一機蜀錦著紗籠不放纖塵到水宮但覺曉寒金掌重仙人危

立白雲中

右露

醉臉潮紅嬌欲眠玉幢移影<sup>益</sup>嬋娟一奩晴色開明鏡暖熨金爐

起碧煙

右日

颼颼涼生水國秋可憐無計解花愁飄然葉隨流水付與真人  
駕作舟

右風

寒聲敲破玉琳琅綰斷鴛鴦雙夢長幾斛明珠收不起巧黏翡  
翠絡紅妝

右雨

俠客行

原本汚字錯  
出今仍舊

簡閑原本錯  
今仍舊

和原本粘后同

擊筑復擊筑欲歌雙淚橫寶刀重如命命如鴻毛輕

烏棲曲

風敲玉鈎鰓鬚垂寒烏棲月萬年枝香薰翠被春宵短玉臂曲  
作珊瑚枕

散髮

玲瓏窗戶午晴時散髮林間鳥一奇鳥睡香奩花影動蟬吟涼  
境柳陰移高山流水琴三弄明月清風酒一卮要是閉門防俗  
客莫令到眼敗吾詩

讀岳武穆王傳

鬼域為妖天地昏將軍那可一朝存泰山頽喻哲人死東海旱  
為孝婦冤當日主和甘下策到今無計復中原清風凜凜一編  
史拭盡英雄幾濃痕

行春次俞兄韵

幾日春愁不出行園林又是了清明春風桃李一場夢夜月江

山千古情陰倚長松伺鶴到坐臨釣石看雲生此懷不解自拈  
出漫譜離騷入笛聲

多謝春風相此行馬蹄十里夕陽明故人楊柳正年少知己青  
山舊日情思滿天涯芳草遠望窮江際暮雲生同來佳客自不  
俗相對松陰聽瀑聲

淳熙丙申二月晦翁歸婺源先曾大父因隨杖屨遂挂名  
於弟子之列乃以所著書說以求正晦翁可之又嘗投書  
論易甚詳龍翰不學緇玷家聲因讀遺文有作數語亦所  
以自勉云

吾祖曾師雲谷仙讀書直下悟蹄筌道參太極本無極易論先  
天與後天綠徧春風窗外草香浮夜月沼中蓮派分一勺濂溪  
水道統縣縣萬古傳

再過孤山

一亩鶴骨已塵埃空築孤山碧玉臺添種紅蓮千萬朵梅花從

此不須開

古梅遺彙卷二

明族裔

吳惟時中立甫較

廿九日晦錄 臥病兩日比來殊忽：明日擬攜新校客亭類彙考棹山人集歸  
精舍閒話撥悶 叔荃惠筆殊不中書字愈拙劣 蟬盒

古梅遺彙卷三

宋新安古梅吳龍翰式賢甫著

冬夜

讀罷牀頭一卷易曉風乾盡銅壺滴起傍危闌嘯一聲月明何處人橫笛

一屋白雲無鎖鑰酒酣要摘梅花嚼相逢石鼎老彌明吟罷松梢月欲落

晚舟泊長河

詩客行裝少孤舟一葉輕寒雅隨日落秋雁破霜鳴山色攢心事江聲咽世情故鄉無百里酤酒話歸程

冬夜山中

寒入雁聲霜滿地香沈梅影月當崖獨鶴歸來童亦睡微風簌簌落松釵

贈詩客梅窗

方虛谷曰式賢詩有驚人語如樂府諸篇尤予所深喜者

騷人行脚徧天涯何處青山不是家惆悵舊時雲外鶴結巢窗  
外守梅花

樂府四首

妾心江岸石千古無變更郎心江上水倏忽風波生  
瑟瑟涼風來凜身秋後扇安得復炎熱相攜不相厭  
製衣寄夫壻妾有冰雪段中間連理枝不忍剪教斷  
殘月小樓西鵲啼思欲迷妾夫在天南何不那邊啼

夜興

山房靜對碧巉玩與客歌騷夜未闌客去燈寒眠未穩興隨明  
月在闌干

辛酉秋在京殊久一日到湖上

湖上青山只麼閑未須詩屋近山間客邊有酒身無事日日一  
來湖上看

讀家集

先曾大父友堂幼從諸老遊聞道最早與簽判曾伯大父  
判簿曾伯大父一意刻苦為學棣華卓然以文名家友堂  
遺文今所存者書說四十卷易論四十卷史評七卷詩文  
五十卷而已龍翰不學不足以得箕裘之傳謹識其悲云  
吾家友堂翁硯影雙鬢寒刻志鑽書史篝燈照夜闌學術三代  
上文章兩漢間曾次秋沆瀣詞吐玉琅玕冤哉命壓頭那復博  
一官二頃策科第亦不到金鑿友堂紛遺豪幾成汲冢殘江東  
兵燹餘白壁喜重完會當乞鴻筆清名期不刊

己未試監假道於嚴報謝使君

秋試賢關擲雉盧道經鄰郡拜真儒棠陰日暖鳥聲雋苔跡月  
明吏影臞春堇一犁今有犢暮歌五袴昔無襦片帆願借吹嗟  
力一舸清風不租用

嚴郡謁烏龍廟遇打碑者

何年故處士靈魄此為家古壁填蒼蘚空庭隘落花山墳穿去

臺原本稿  
家原本塚巨同

暖原本煖  
原本二  
后以火用距  
字錯出  
今改暖

鶴廟祭下饑鴉巫祝打碑賣神功播海涯

春晚

萬綠叢中春事闌楊花如雪滿江干露沾花樹蝶衣重雨著芹  
泥燕背寒愁到吟腸詩綰斷夢依棊局客敲殘何時買得青山  
住鍊就蓬壺換骨丹

古巖寺

古巖靈蹟異故故兀啞鞍石溜濺棊濕松風沍笛寒露華僧衲  
重曙色佛燈殘白社開何日談經上石壇

見王廣文

旅食京華不自謀可堪典盡鸛鷖裘一牀風雨孤燈夜千里江  
山兩鬢秋笑索寒梅吟苦句醉拈秃筆埽窮愁學人翻笑孫明  
復強乞希文一點頭

牛渚山觀大江

巨靈劈破蒼山石鞭起九龍入空碧山分兩半合不成夾住長

數千尺九道驚湍相擊撞雷聲怒發誰敢當神蛟出沒不可數  
往往殺氣靡穹蒼嗚呼蜀道行且難劔門險似鐵門關一夫可  
敵萬夫勇大開棧道通殺函固知長城當城壁立此天塹限南  
北東南王氣無窮年此江未必成桑田君不見逆亮百萬鼓腥  
風海舟出鬪一埽空書生不能長鎗與大劔只許坐帷幄收奇  
功

秋溪過田家

策杖行行過石橋農家雞黍遠相招田鋪棊局露鴉下山展畫  
屏煙雨描病骨枯於秋後葉詩懷雄似海東潮一聲老鶴松梢  
上賸欲乘風到九霄

春日松陰小憩

瘦筇扶我過林端無狀東風掠鬢寒貪數青山不知去松花吹  
滿石棊盤

水邊早梅



梅花淡淡著寒煙漏洩春光老屋邊會彼清池寫疏影一枝分  
作兩枝妍

繁昌道中

江天日暖竹為輿獵獵春風載此臞湊入灞橋成一畫楊花吹  
雪糝吟鬚

讀十七全史歲久而徹

燈火青編結興長可能歷歷記興亡董狐筆底風霜重班馬書  
邊蘭蕙香往事輸贏碁幾局浮名今古紙千張重重公案休拈  
起中有靈臺定臧否

題國直先伯祖海潮賦後

銀山突兀蒼海頭夜半鼓噪萬貔貅爭雄角力轉坤軸旋磨塵  
世偕浮漚朝朝暮暮自消長誰言於此隨海鯨鵠革裏尸已塵  
土未必怒怨卒未休看公立論屈前輩筆端有力挽萬牛孤峯  
絕崖氣象古亦復粲粲珊瑚鈎分明掘見陰陽根判斷造化之  
深幽玄機發泄天帝嗔此文正恐雷霆收不然亦似畫鳥跡長  
夜鬼哭聲啾啾公自騎鯨去不返滿江明月蘆花秋

過和州報恩寺唐籍故居也

昔年此地著書人詩骨成塵草木深突兀眼前僧結屋塔鈴風  
裏替君愁吟

烏江項羽廟

蓋世英雄只恁休千年遺恨大江流漢提義帝作張本當日君  
翰第一籌

連雪五日有無盡觀

平生酷愛雪老我看不足安得走五臺六月漱寒玉無計巢雪  
山與佛結幽獨方輿多奇觀出門欠車轂天公副微願連朝遣  
滕六寒林振琳琅朔風煽瓊木樓臺炯夜光地靈驚玉局幻成  
銀世界一旦飽雙目清冷天地氣吸入空洞腹騰欲呼夜舟飄  
然訪林麓

登金陵鍾山絕頂

萬仞鍾山著屐登中原今隔幾峻嶒自憐不及天邊雁歲逐春風到八陵

張麗華墓

金井轆轤春夢殘香魂飛不到長安君王為虜妾為土夜月空分兩地寒

結綺臨春跡已塵尚餘抔土鎖娉婷玉顏不及隴頭草歲歲春風吹得青

王荆公讀書堂

六籍紛紛盡可奴翻騰字說乃蓄畬可知山半青燈夜只讀商君一卷書

登長干寺塔

金陵王氣已銷沈幾度凭闌愁滿襟往事僅存南北史傷情空費短長吟龍蟠故國山河壯鳳去荒臺草木深舊物尚餘吳塔

在夕陽移影照江心

詩境

流水環詩境未容塵土侵步迂松徑曲坐占草堂淡秋句蛩分  
和山杯鳥勸斟好懷無客共相對一瑤琴

哭羅潛齋

此老古之學文章富石渠宦情雲淡薄吟鬢竹蕭疏未購茂陵  
橐空埋汲冢書北郊相慶處寒日照躊躇

漫題

放曠疏林下清風吹鬢毛倚梅讀周易對酒歌離騷詩思秋雲  
淡古懷明月高五湖天地別煙水綠平篙

古梅遺橐卷三

明族裔 吳惟時中立甫較

新安文獻志  
五十七  
增志  
雁志  
雁

新安文獻志  
五十七  
王志  
題

踏原本者  
設原本誤  
原水

五月初三日鈔畢 晝長人倦 接叔荃札并代人乞書便圓 頃得滌飲先生手  
鈔夾漈遺豪情雙姬重裘補綴熨貼殊可人意

書